

鞏縣志卷之十九

鞏縣知縣李述武纂修

藝文志下

賦

魏

洛神賦

有序

曹植

黃初三年余朝京師還濟洛川古人有言斯水之神曰
宓紀感宋玉對楚王神女之事遂作是賦其詞曰

余從京師言歸東藩背伊闕越轅轅經通谷陵景山日既
西傾車殆馬煩爾乃稅駕乎蘅皋秣駟乎芝田容與乎楊

鞏縣志

第六冊

卷之十九 藝文下

一

林流盼乎洛川於是精移神駭忽焉思散俯則未祭仰以
殊觀覩一麗人於巖之畔迺援御者而告之曰爾有覩於
彼者乎彼何人斯若此之艷也御者對曰臣聞河洛之神
名曰宓妃然則君王所見也無迺是乎其狀若何臣願聞
之余告之曰其形也翩若驚鴻婉若游龍榮曜秋菊華茂
春松髣髴兮若輕雲之蔽月飄飄兮若風流之迴雪遠而
望之皎若太陽升朝霞迫而察之灼若芙蕖出綠波濃纖
得中修短合度肩若削成腰如約素延頸秀項皓質呈露
芳澤無加鉛華不御雲髻莪莪修眉連娟丹唇外朗皓齒
內鮮明眸善 靨輔承權環姿艷逸儀靜體閒柔情綽

媚於語言竒服曠世骨像應圖披羅衣之璀璨兮珥瑤碧
之華琚戴金翠之首飾綴明珠以耀軀踐遠遊之文履曳
霧綃之輕裾微幽蘭之芳藹兮步踟躕於山隅於是忽焉
縱體以遨以嬉左倚采旄右蔭桂旗攘皓腕於神滸兮采
湍瀨之元芝余情悅其淑羨兮心振蕩而不怡無良媒以
接懽兮託微波而通辭願誠素之先達解玉珮以要之嗟
佳人之信修羗習禮而明詩抗瓊瑋以和予兮指潛淵而
爲期執眷眷之歎實兮懼斯靈之我欺感交甫之棄言兮
悵猶豫而狐疑収和顏而靜志兮申禮防以自持於是洛
靈感焉徙倚徬徨神光離合乍陰乍陽竦輕軀以鶴立若
將飛而來翔踐椒塗之郁烈步蘅薄而流芳超長吟以永
慕兮聲哀厲而彌長爾乃衆靈雜遯命儔嘯侶或戲清流
或翔神渚或采明珠或拾翠羽從南湘之二妃携漢濱之
遊女嘆匏瓜之無匹詠牽牛之獨處揚輕袿之綺靡翳修
袖以延佇體迅飛鳧飄忽若神凌波微步羅韞生塵動無
常則若危若安進止難期若徃若還轉盼流精光潤玉顏
含辭未吐氣若幽蘭華容婀娜令我忘餐於是屏翳収風
川后靖波馮夷鳴鼓女媧清歌騰文魚以警乘鳴玉鸞以
偕逝六龍儼其齊首戴雲車之容裔鯨鯢踊而夾轂水禽
翔而爲衛於是越北沚適南崗紆素領迴清揚動朱唇以

徐言陳交接之大綱悵神人之道殊怨盛年之莫當抗羅
袂以掩涕兮淚流襟之浪浪悼良會之永絕兮哀一逝而
異鄉無微情以效愛兮獻江南之明璫雖潛處於太陰長
寄心於君王忽不悟其所舍悵神霄而蔽光於是昔下陵
高足往神留遺情想像顧望懷愁冀靈體之復形御輕舟
而上泝浮長川而忘返思綿綿而增慕夜耿耿而不寐霑
繁霜而至曙命僕夫而就駕吾將歸乎東路攬駢轡以抗
策悵盤桓而不能去

按陳王賦乃離騷美人之遺文選
注思甄事誣辯詳何義門批本

晉

懷舊賦

潘岳

鞏縣志

第六册

卷之十九 藝文下

三

余十二而獲見於父友東武戴侯楊君始見知名遂申
之以婚姻而道元公嗣亦隆世親之愛不幸父子凋殞
余既有私艱且尋役於外不歷嵩邱九年於茲矣今而
經焉慷慨懷舊而賦之

啓開陽而朝邁濟清洛以徑渡晨風淒以激冷夕雪暘以
掩路轍含水以滅軌水漸軻以凝沍塗艱屯其難進曰晚
晚而將暮仰晞歸雲俯鏡泉流前瞻太室旁眺嵩邱巖巖
雙表列列行楸既興慕於戴侯亦悼元而哀嗣墳纍纍以
接隴栢森森以攢植何逝波之相尋會舊草之未異念總
角而獲見承戴侯之清塵名余以國士眷余以嘉姻自祖

考而隆好速逮二子而世姻親權携手以偕老度報德之
有鄰今九載而一來空館聞其無人陳芟被於堂除舊圃
化而爲薪步庭廡以徘徊涕流泫而沾巾宵輾轉而不寐
驟長嘆以達晨獨鬱結其誰語聊綴思於斯文

唐

神龜負圖出河賦

以作瑞前王始
啓文教爲韻

裴 度

茫茫積流祚聖有作動上天之密命假靈龜以潛躍蓋欲
以慶遙源敷景鑠寫物象之精密化人物之朴畧豈不以
河之德兮靈長龜之壽兮會昌載正符先呈於古帝稱大
寶後遺於寧王故將出也感天地動陰陽浮九折之澄碧

鞏縣志

第六册

卷之十九 藝文下

四

散五色之榮光然後蹈箭流而泳花浪露元甲而明繡裳
初若沉圓璧而未沒稍似泛孤鳧而欲翔既而降芳蓮蹈
清泚五老游而共睹列聖過而每喜出朝日如耀其寶圖
伏靈壇狀陳其鏤篋布爻象之糾紛蘊天地之終始負謀
謨之畫將化洪荒當授受之時豈思綠水非臆對之可述
諒鈎深而有致所以出河宗作天瑞馮夷倚浪以相送神
魚鼓舞而旋避於戲冥數窅然自我而傳外骨明賁中心
善泉將後天而思永豈爲贄而居前至如魚託素以達情
鳳御詔而展禮未若祥開八卦兆動四體闡文教寧木鐸
之足儔贊貞明與日月而同啓泊乎形貌既著品物

榮萬化之茫昧合一氣之網緼識用光於夏葉繇每

義文此乃天理用彰神道設教故躍波而委質殊以文而
飾貌觸綸誠怪於文鱗隱霧徒嗟乎元豹此悠久也可

是效按賦題本緯書而五老列聖等語則用鞏河洛
壇故寔與永寧孟津圖書異故登之

國朝

鞏遊賦有序

諸正達

康熙戊子歲冲霞多世兄令鞏邑余貽書云余將登覽
嵩高溯洄河洛極宇內之壯觀盡生平之快事今庚寅
歲六月竟至矣欲酬夙言遂羣然有高望之想觸目所
形率爾成賦其辭曰

鞏縣志

第六册

卷之十九 藝文下

五

自發軔乎皖城日驅驂於隴陌紛倭遲以千里漸辭南而
入北繫曠野之茫茫悵凝眸其何極旋陔谷而陟岡遙層
巒之逶迤滎波宛丘耳其名知為陳之舊域對簡而
神遊今踐乎余之轍跡為詢鞏封原指彼岍中
即其區杖策赴之稅於東關煩日以月六初
吉乃謁賢宰禮數優崇意氣和豈倦寤之餘繙厥邑志
山廣河繪於圖序余情不能已將歷覽而考其於
虎頭尾履巉倏目眩而心惟嵩高之
奇偉嶒少室對恒而擁岱華巍然之
之元樞以成

透而波逝聖賢挺以蔚興畿都錯其壯麗自周漢以迄宋
唐皆鍾毓乎此氣首極荒徼尾與洛連翔舞騫騰是曰邙
山矯如蒼虬之浮空俯若翠蜺之飲川展雲蓋兮嶸嶸建
雲標兮軒軒詎懼岳靈之尊威實障紫微之屏垣北枕河
流中貫伊洛伊西迤而與洛交洛北滙而與河合黎陽大
邳之野彌望北流之活活帝王之興河洛先溫寒逾九日
五色繽紛堯帥諸侯沉璧於瀆元龜負書綠字赤文龍馬
臨壇文吐列星舜受神書玉檢金繩青雲浮度榮光晶熒
凡膺圖而受瑞惟二川之效靈所稱虎牢之關成臯之塞
昔爲新鄭之藩今屬邑東之界山綿綿其若鎖水盈盈而
鞏縣志

第六册

卷之十九 藝文下

六

如帶嚴固閉密阨塞要害宜赤 之據險使重瞳之困憊
惜乎千紅洛口莫覩錦繡之粧萬柳神隄罕見翠螺之黛
西眺孤峯高秀不羣紫金曜日青堆暎雲五枝析嵩山之
脉轅轅驚修坂之名然而蒼莽之間宋陵在焉匪鬱葱之
佳氣盡迷斷之淒煙金盃玉匣莫闕幽泉錮南山猶有隙
念及此而永嘆大抵瀆宗維河嶽宗維嵩鞏雖渺矣彈丸
適當乎二宗之中固四塞險隘之區亦千載戰爭之衝鳴
呼余徘徊而延佇竊憑今以弔古欲追希乎前人將歌哭
其誰語顧洪流之奔駛慨然想見禹之明德遠矣訪 林
之故墟商王六事之禱猶存乎膠鬲迎鮪水之師而卜

之興於西惠公錫子般之封而嘆周之衰於東黑石之水
潺湲膺泰同舟而若仙回郭之野迢遙汾陽封穴以平妖
秋風明月緱山子晉之笙若近若遠春雨微波洛水宓妃
之神若隱若現荆榮孝義之村芝秀榜元之田玉川之書
船可識少陵之詩魂黯然魏公殘壘孤雲欲墮劉武荒堡
茂草誰芟而况秦險首什谷之口阿房炬而一卒莫守隋
富誇洛口之倉迷樓毀而粒粟莫嘗嗟乎哉洪爐同鑄孰
大孰細巨鼇共負誰夸誰阻睇曦馭其如蟻兮騰萬馬而
莫追容撓不能紀其歷兮劫灰蕩於須臾牧跛羊於泰山
之上兮藏太行於康衢折鈎喙以爲九鼎兮封函關於丸

鞏縣志

第六册

卷之十九 藝文下

七

泥此老氏幻無名以爲母莊生糅物論而欲齊者也嘆混
關之轉瞬識平傾之迭移觀晝夜之不舍悟逝者之如斯
余將陟介丘之崇巔溯巨瀆之河紆探混芒於誰鑿尋真
源其何歸豈獨宇內之大觀盡是五嶽之壯遊始茲感不
罄於余懷爰登高而賦之

詩

上古

錄圖文

河圖挺輔佐黃帝游於河洛至澤鴻之泉有大鱸
魚負圖以授帝蘭葉朱文名曰錄圖 一作錄圖

渾渾嗚嗚棼棼雉雉與物俱化

陶唐

雒壁書

尚書中侯帝堯率羣臣東沉於雒刻壁書云

天子臣放勳德薄施行不元

元善也

夏

五子歌五章

夏書太康尸位以逸豫厥德黎民咸貳乃盤游無度畋於有洛之表有窮后羿

因民弗忍距於河厥弟五人御其母以從奚於洛之汭五子咸怨述大禹之戒以作歌

皇祖有訓民可近不可下民惟邦本本固邦寧予視天下愚夫愚婦一能勝予一人三失怨豈在明不見是圖予臨兆民懍乎若朽索之馭六馬為人上者柰何不敬訓有之內作色荒外作禽荒甘酒嗜音峻宇雕墻有一於此未或不亡

鞏縣志

第六册

卷之十九 藝文下

八

惟彼陶唐有此冀方今失厥道

左傳作行

亂其紀綱乃底滅亡

明明我祖萬邦之君有典有則貽厥子孫

叶

關石和鈞王

府則有荒墜厥緒覆宗絕祀

叶養里反

嗚呼曷歸予懷之悲萬姓仇予予將疇依鬱陶乎予心顏厚有忸怩弗慎厥德雖悔可追

商

桑林禱辭

荀子大畧篇湯之時大旱七年剪髮斷爪以身為犧牲禱於桑林之野以六事自責

曰何不雨至斯極也言未已大雨

政不節與使民疾與宮室崇與婦謁盛與苞苴行與讒夫

興與

節叶即盛叶成視山川教之祝云云

漢

太學中謠八顧之一

天下英藩尹伯元尚書令河南鞏尹勳

晉

在懷縣作選一首

潘岳

我來冰未泮時暑忽隆熾感此還期淹嘆彼年往駛登城
望郊甸遊日歷朝寺小國寡民務終日寂無事白水過庭
激綠槐夾門植信羨非吾土祇攪懷歸志眷然顧鞏洛山
川邈離異願言旋舊鄉長此簡書忌祇奉社稷守恪居處

職司文選

鞏縣志

第六冊

卷之十九 藝文下

九

鞏道迎駕

潘尼

南山鬱岑崆洛川迅且急青松蔭修嶺綠繁披廣隰朝日
順長途夕暮無所集歸雲乘幘浮淒風尋惟入道逢深識
士舉首對吾揖世故尚未夷崑函方險澁狐狸夾雨轅豺
狼當路立翔鳳嬰龍檻騏驥見維繫俎豆昔嘗聞軍旅素
未習且少停君駕徐待干戈戢文選

唐

洛

李嶠

九洛韶光媚三川物候新花明丹鳳蒲日映玉雞津元禮
期仙客陳王靚麗人神龜方錫瑞綠字重來臻文粹

鞏城南河作寄徐三景暉

儲光羲

初年雨候遲鞏洛河流小搖搖芳草岼屢見春山曉清露
洗雲林輕波戲魚鳥唯言故人遠不念鄉川眇舟楫去滌
迴湍淑行奔峭寄書千里路莫道南鴻少

鞏城東庄道中作

儲光羲

北陵散寒鳥西山照初日婉變晉陽京踟躕野人室南軒
草間去後乘林中出靄靄長路暖遲遲狹路歸蜉蝣時蔽
月枳棘復傷衣城上東風起河邊早雁飛夏王紀冬令殷
人乃正月涯口度新雲山陰留故雪幸逢耆耋話餘待親
隣別總轡出叢薄歇鞍登峻隅春源旣蕩潏伏戰亦睢盱

鞏縣志

第六册

卷之十九 藝文下

十

未獲遵平道徒言信薄夫

以上
本集

尋鞏縣南李處士別業

岑參

先生近南郭茅屋臨東川桑葉隱村戶蘆花暎釣船有時
著書暇盡日牕中眠且喜閭井近灌田同一泉

送孟十二倉曹赴東京選

杜甫

君行別老親此去苦家貧藻鏡留連客江山顛賴人秋風
楚竹冷夜雪鞏梅春朝夕高堂念應宜綵服新

工部
集

遊石窟寺

劉滄

苦徑縈迴景漸分儵然空界靜埃氛一聲踈磬過寒水半
壁危樓隱白雲雪下石龕猶在定日西山木鳥成羣幾來

吟嘯當朱檻風起天香處處聞

自鞏河舟行入黃河卽事

寄府縣寮友

韋應物

夾水蒼山路向東東南山豁大河通寒樹依微遠天外夕
陽明滅亂流中孤村幾歲臨伊岸一雁初晴下朔風爲報
洛橋遊宦侶扁舟不繫與心同

雜言寄杜拾遺

任華

杜拾遺名甫第二才甚竒任生與君別來已多時何嘗一
日不相思杜拾遺知不知昨日有人誦得數篇黃絹詞吾
怪異竒特借問果然稱是杜二之所爲勢攫虎豹氣騰蛟
螭滄海無波似鼓蕩華岳平地欲奔馳曹劉俯仰慙大敵

鞏縣志

第六冊

卷之十九 藝文下

十一

沈謝逡巡稱小兒昔在帝城中盛名君一個諸人見所作
無不心膽破郎君叢裏作狂歌丞相閣中嘗醉卧前年黃
帝歸長安承恩濶步青雲端積翠扈遊匱披香寓直月
團奕英才特達承天眷公卿無不相欽羨只緣汲黯好直
言遂使安仁却爲祿如今避地錦城隅幕下英僚每日相
就原刻云就一作隨提玉壺半酣起舞將髭鬚乍底乍昂旁若無
古人制禮但爲防俗士豈得爲君設之乎而爲不飛不鳴
亦何以只待朝廷有知己已曾讀却無限書拙詩一句兩
句在人耳如今看之總無益又不能崎嶇傍原刻云傍一作倚朝
市且嘗事畊稼豈得便徒爾南陽諸葛爲朋友山東謝

作隣里間嘗把槩弄悶即提樽起鶯啼二月三月時花發
千山萬山裡此時幽曠無人知火急將書憑驛使爲報杜
拾遺

酬李相公喜歸鄉國自鞏縣夜泛洛水見寄

劉禹錫

鞏樹煙月上清光含碧流且無三巳色猶泛五湖舟鵬息
風還起鳳歸林正秋雖攀小山桂此地不淹留

全唐詩

鞏路感懷

呂 溫

馬嘶白日暮劍鳴秋氣來我心浩無際河上空徘徊

宋

鞏縣志

第六册

卷之十九 藝文下

十二

題鞏縣西門周襄王廟

人來人去市朝變山後山前煙霧凝縈帶二川河洛水寂

寥千古帝王陵

王荆公詩註

永昭陵挽詞三首

歐陽修

與子雖天意知人昔帝難一年謀早定九鼎勢先安大舜
仁由性成湯治以寬孤臣思未報清血但決瀾

干戈不用臻無事朝野多歡樂有年便坐看揮飛白筆侍
臣新和栢梁篇衣冠忽見藏原廟簫鼓愁聞向洛川寂寞
秋風羣玉殿還同恍惚夢鈞天

行殿沉沉畫翼重淒涼挽鐸出深宮攀號不悟龍胡遠侍

從猶穿豹尾中日薄山川長起霧天寒松柏自生風斯民
四十年涵煦耕鑿安知荷帝功

歐公全集

續作永昭陵挽詞四首

歐陽修

王者居尊本無外由來天下以爲家六龍白日乘雲去何
用金錢貢道車

苦霧霏霏著綵旗猶排吉仗雜凶儀嘗時鳳輦行遊處今
日龍輻動哭隨

都人擾擾塞康莊西送靈車過苑墻金鼎藥成龍已去人
間惟有鼠拖腸

素幕悠悠逗曉風行隨哀挽出深宮妃嬪莫向蒼梧望雲

鞏縣志

第六冊

卷之十九 藝文下

十三

覆昭陵洛水東

歐公全集

鞏縣初見黃河

歐陽修

河決三門合四水徑流萬里東輸海鞏洛之山夾而峙河
來齧山作沙觜山形迤邐若奔避河益汹汹怒而訾舟師
弭楫不以帆頃刻奔過不及視舞波淵旋投沙渚聚沫倏
忽爲平地地下窺莫測濁且深癡龍怪魚肆憑恃我生居南
不識河但見禹貢書之記其言河狀鉅且猛驗河質書信
皆是昔者帝堯與帝舜有子朱商不堪嗣皇天意欲開禹
聖以水病堯民以潰堯愁下人瘦若腊衆臣薦鯀帝曰試
之幾載功不效遂殛羽山慙而斃禹羞父罪哀且勤天

始以書畀於姒書曰五行水潤下禹得其術因而治鑿山
疏流浚畎澮分擘枝派有條理萬邦入貢九州宅生人始
免生鱗尾功深德大夏以家施及三代蒙其利江海淮濟
洎漢沔豈不浩渺汪而大收波卷怒畏威德萬古不敢肆
凶厲惟茲濯流不可律歷自秦漢猶爲害崩堅決壅勢益
橫斜跳旁出惟其意制之以力不以德驅民就溺財隨弊
蓋聞河源出崑崙其山上高大無際自高 下若激箭一
曲一直一千里湍雄衝急乃迸溢其勢不得不然爾前歲
河怒驚滑口浸漱洋洋淫不止滑人奔走若鋒駭河伯視
之口爲戲呀呀怒口缺若門日啖薪石萬萬計明堂天子

鞏縣志

第六册

卷之十九 藝文下

十四

聖且神悼河不仁嗟曰喟河伯素頑不可令至口一感惶
且畏引流辟易趨故道閉口不敢煩官吏遵途率職直東
下咫尺莫可離其次爾來歲星行一周民牛 芻拜羨費
滑人居河飲河流耕河之孺浸河漬嗟河改凶作民福嗚

呼明堂聖天子

歐文全集

遊石子澗

歐陽修

巖巖高亭古澗隈偶携佳客共徘徊席間風起聞天籟雨
後山光入酒杯泉落斷崖衝豁響花藏深崦過春開麇麇
禽鳥莫驚顧太守不將車騎來

文忠集

輶轅道

堯臣

絕險稱漢關晨躋瞻二室盤紆石路回迤邐雲峯出古壁
挂青蒼天風起蕭瑟洛城回首時望望平烟密

送直講吳殿丞宰鞏縣

王安石

青嵩碧洛曾遊地墨綬銅章忽在身擁馬尙多畿甸雪隨
衣無復禁城塵古來學問須行已此去風流定慰人更憶
少陵詩上語知君不負鞏梅春

出鞏縣

王安石

昭陵落月煙霧昏篝火度谷行山根投鞭委轡涉數村寤
出鞏縣城東門向來宮闕不可見但有洛水流渾渾

書任村馬舖

王安石

鞏縣志

第六册

卷之十九 藝文下

十五

兒童繫馬黃河曲近岸河流如可掬任村炊米朝食魚日
暮滎陽驛中宿投老經過身獨在當時洲渚今平陸秣黍
冥冥十數家仰視荒蹊但喬木冰盤鱠羨客自知起看白
水還東馳爾來百口皆年少歸與何人共此悲

以上臨川集

渡洛因泛丹東下數里頗意淮上

張耒

云云清洛轉山隈渺渺東流不復回輕鳥竟隨青嶂去亂
爭泛夕陽來偶驚舟楫鄉心起乍脫塵埃病眼開疑是

貽郭門外月明帆席過清淮

宛邱集

金

石窟寺

牛承直

邑令

去尋山意漸便興來登覽獨怡然僧歸禪榻香凝帳人
漁舟晚濟川清洛冷光浮巨棟靈崧積翠拱中天公餘
底事頻來此民遠官刑不用鞭

石刻

明

鞏洛道中

薛瑄

嵩高雲氣晚嵯峨清洛西風响急波水色山光渾似舊宋

家陵墓夕陽多

舊志

題宋復古鞏洛圖

謝徽

青山鞏洛舊林園彷彿昇平古意存雨外人歸秋葉浦煙
中鳥下夕陽村昔年題字宸光合今日披圖野興繁風景

鞏縣志

第六册

卷之十九 藝文下

十六

西湖仍不異惟餘故老說中原

明詩綜

石窟寺

張綬

府尹

野寺枕清洛古像鑿崖石軒窗眇空曠樓閣愧金碧僧多
龕崑居門爲嵩少關我來值秋晚高下窮勝蹟萬籟息衆
竅千花紛講席乘興宿禪房梵音徹寒夕

弔杜公墓

陳獻章

裸葬不葬等悠悠有生無生名可留壽遲殤子千年在文
與江河萬古流天借人心照日月山藏廟貌自春秋拾遺
苦被蒼生累贏得乾坤不盡愁

黑石渡

于範

山足潏清波渡頭枕黑石野花學菊黃山東如丹赤高岸
穿山過深溝落葉集雲靜正秋空出門雙眼碧

韓烈婦節義歌

王

冕
洛陽進士

節義宏剛天地窄凜凜生風薄日月人生萬古皆有死惟
有風霜不忍折恥向醜虜馬下休而今僅見誇中州此血
寧作劍上紅此顏不肯向人污怒氣直上冲碧霄化作長
虹萬里耀須臾天地無顏色百萬英雄稱且嗟至今城下
義冤咽猶是當時對刃決死生

經少陵墓

周叙

杜陵詩客墓遙倚北邙巔斷碣居人識高名信史傳猿聲

鞏縣志

第六册

卷之十九 藝文下

十七

悲落照樹色翳寒烟惟有文章在輝光夜燭天

洛口驛

失名

驛古人初靜林深夜倍清寒蛩引鄉泪歸雁帶邊聲明
知心事青山減宦情馳驅何日了温飽愧生平

舊志

石窟寺

桑

浦
分

二月十七郊外行嵩山洛水眼分明已勞地主盤餐
遣山僧管籥迎綠磴酣歌春日暮凭闌擊目晚風清
不盡登臨興月印灘頭一艇橫

慈雲寺

趙迎

昔我登山未盡頭此心鬱鬱幾經秋重過溪澗酌

陟嶮崑斷舊遊接地風雲隨我轉連天景色許 収危峰

絕頂堪舒目得句敢云家倚樓

石刻

送周編修代祭宋陵

王直

香分祀宋諸陵使節皇華寵渥承河水遠通平野外嵩
山高處亂雲層馬遷勝覽憐予病李白豪吟羨子能君到
薇垣謝知己山陰短棹興難乘

前題

王英

明庭秩祀降深恩詔遣詞臣出諫垣遠歷山川周洛邑肅
陳俎豆宋陵園御香滿路花爭發宮柳連堤日正殷最愛
近陵諸父老攀援羅拜擁行軒

鞏縣志

第六册

卷之十九 藝文下

十八

市河橋

劉醇

尋芳策杖市橋前柳色垂金二月天宿霧纔開初出日經
風又散曉來烟沙汀燕子脚泥語蓼岸鴛鴦貼水眠尤勝

陵風景好一川城郭翠微連

以上縣志

國朝

渡洛水

王士正

中流望盈盈羅襪塵西園魏公子南浦洛川神蘅薄
在楊林意未申凌波何處問秋水正魚鱗

宋陵

王士正

宋家幽寢 魚奉 不見 安

日茫茫下七陵

七夕前二日鞏縣阻雨

王士正

大火西流日昇仙故跡存秋風來鞏洛暮雨阻轘轅欲把

浮邱袂難招杜甫魂神膏不可眺三十六峯昏

以上漁洋集

轘轅關放歌

田雯

五丁神力齊鬪彊二室鑿破森開張宏齋洞壑立門戶下

流洛水奔洛陽車馬不從此地入途迷七聖風沙黃轘轅

關自何代始崎嶇犖确迴羊腸石子大者似石困小者彈

丸如珠光禹行治水錯伐鼓塗山氏女來相將野語創自

淮南子搜神述異何譎狂五乳峯嵐但咫尺山椒神漢紛

鞏縣志

第六册

卷之十九 藝文下

十九

低昂三素雲涌駁霞漏吹笙王子摩青蒼天邪桃花路側

塞翠莠天棘排兩行驚瀧聲搖緱氏嶺匹練飛下金牛岡

白髭老子游嵩客八風四扈來倘徉春山淡冶迎人笑燕

子戴勝鳴村旁便與洪崖採藥去手抄术序長生方雲駢

一駕羣靈接上朝三十六玉皇

古歡堂集

黑石頭渡洛水

李因篤

古道長依洛前津始放船青泥通沃土黑石泛疎烟豆粥

凌晨具魚肪度地偏御風隨所適江海正悠然

受祺堂集

鞏洛道中書所見

湖海樓集

陳維崧

鞏洛饒陂陲水土互蟠結抉幽布險勢鑿孔露竒節

積厓屨怪竅囊帶堞居民數百家伏處類巢穴村墟
岍衡宇補凹凸批亢架桷梁擣虛置櫨椳玲瓏勝鬼工
貼儼地設乃知般倕外別自有巧拙東南一土嚙壁若昆
刀切居者累彈丸縹緲詫竒絕重樓俯鳥道甕牖瞰蟻蛭
盤旋萬累紋雕樓百蟲齧盡室頗淳熙聚廬復精潔噉咷
雜童穉偃僂半耆耄嬌女曉塗抹瘦妻解補綴春秋放鷄
脉早晚閉門闌我顧居者言此境堪咋舌一朝秋雨塌陵
谷遭崩缺將毋愚公移或者龍火掣居者啼向我長跪對
余說前朝昔喪亂蛾賊起作孽秦隴跳銅脛楚豫潛草竊
峩峩洛陽道千里大流血白晝舞猋猊黃天恣饕餮妻孥

鞏縣志

第六册

卷之十九 藝文下

二十

飽刀鋸骸骨供蠹螿詎料寰宇清及見櫬槍滅興亡祇轉
瞬世事纔一瞥苟活幸至今枯苑何區別我聞吳越間甲
第金張列文椒塗不足更取都梁藝此疑太暴殄翻恐致
蹉跌何如此間人任運無曲折飽飯過殘年踏盡卮山雪

萼嶺

潘 耒

嵩嶺中開處關傳古轆轤時清無埃卒地勝有祇園嶽勢
趨卽轉河流帶洛翻烟村青不斷如掌見平原

遂初堂集

鞏縣

潘 耒

鞏洛東周隘經行險始知河流吞岸窄山勢壓城危勇豈
鞭渡輕難並轡馳洛倉遺蹟在轉粟至今宜

遂初堂集

黑石渡

湯右曾

昨前邨山來今從邨山去邨山朽骨萬萬古惟有行人朝
復暮黃金蝕盡白石爛蝼蟻三泉尙知處我來欲酌酒一

盃落日荒荒下前渡

懷情
堂集

元日發鞏縣

看山四面碧嶙峋且免車中邑邑人殘雪未消前度臘寒
梅已帶乍回春老知時節心情減閒覺風花景物親二十
年來兩元日天門頂上洛河濱

丁丑元日舟次白沙
得登天門山絕頂

嚴子陵祠

呂履恒

霜落秋城木葉丹客星祠畔肅衣冠故人無意驕同卧天

鞏縣志

第六册

卷之十九 藝文下

二十一

子何能屈一官嚴瀨江山空浩渺原陵松柏自高寒東
多少知名士不及冥鴻一羽翰

黑石關

呂履恒

嚴關東望意蕭騷石立山開見古濠曉樹片帆回洛汭
天一雁下成臯人家雨後黃沙靜戰壘秋空白日高底
棄繻猶履躋三年重過問村醪

夢月
巖集

黑石渡

劉青藜

朝發上東門夕抵黑石渡川原何逶迤崗嶺莽回互伊
與灑澗派別齊東赴滙流朝大河羣山夾北注側聞李
儔當年曾此聚門龍舟亦仙御榮渡還慕名流矜氣節

士爭馳驚惜哉標榜盛竒禍中黨錮羣小焉足尤諸公無
乃固遂俾國一空炎運以不祚我來千載下俯仰空自顧
扣舷獨放歌伊人不可晤

宋陵行

劉青藜

前有嵩高後北邙伊洛縱橫盤中央青龍掉尾紫金接天
水遺冢紛低昂殿宇灰飛松楸盡殘碑斷碣橫夕陽伊昔
東都全盛日朝陵儀制何煒煌金吾百里罷傳呼黃麾仗
絡鼎湖傍素衣步入司馬門百官麟次鳴璆琅歲時二仲
奠宗正冬衣捧獻來嬪嬙七世相沿成故事青城禍起殊
淒涼懷愍蒙塵瑯琊南翠微不守熊羆亡驪山銀海九峻

鞏縣志

第六冊

卷之十九 藝文下

二十二

匣摸金何代無中郎神臺壘裂特諱詞南山雖錮得無戕
十二金牌棄兩河護陵劉湛空相償澗水流涸亦偶然可
憐父老夸貞祥五國遊魂置腦後含桃那問金粟岡轉眼
厓山颶風起蘭亭真帖尤堪傷冬青樹上靈禽飛法惠寺名
遙祀復何望雪晴日暖西京道昨朝夾馬今隋倉歷歷興
亡在眼底臨風三嘆獨傍徨回頭却憶陳橋驛黃袍擁戴
日無光

杜少陵墓

劉青藜

萬里清明節回頭憶北邙可憐出巫峽曾永到襄陽故國
三千里羈魂二十霜蹉跎稷契志終古恨茫茫

登鞏縣南城樓

劉青藜

獨上城南百尺樓，山川迴合古東周。
螭碑萬笏插龍尾，雉堞千尋跨虎頭。
洛口倉空餘故壘，平津橋斷冷荒洲。
東風楊柳垂垂綠，極目斜陽動客愁。

高陽山人集

至鞏縣芝田鎮恭祀宋太祖太宗真宗仁宗四陵紀

事並示多明府

蔣

漣

翰林編修

秣馬息芝田地僻，茅簷小籃輿行山中。
四圍青綠遶鬱鬱，宋家陵迴環勢相抱。
幽隊埋衣冠，高原自昏曉。斷碑卧蒼苔，
鼻廩伏衰草。石麟與翁仲，或植或顛倒。
想見南渡前，雙闕轟穹昊。守冢環松門，
泉宮秘深窈。我來撫遺墟，拜手酌

鞏縣志

第六冊

卷之十九 藝文下

二十三

清醮對越儼前王，盤匝潔蘋藻。是時風日佳，冠蓋出木杪。
盛典傳鄉閭，聚觀走翁媪。有令前致辭，承乏茲邑早。
每當恩詔宣，山深集旛旐。是歲輒有秋，秋風足畦稻。
答言令無疑，此實神所保。昔一祖三宗，當陽臨億兆。
功德遞相承，百年遞肇造。如文武成康，精靈在豐鎬。
秩祀禮所宜，豈徒事所禱。語罷立躊躇，夕暉掛華表。
去去指前途，明發滎陽道。

芝田望嵩

蔣

漣

翰林編修

山居村聚小，四面簇烟巒。曉來呼僮捲布幔，
畫圖歷歷恣飽看。太室盤礴踞絕頂，衆峰環立爭巒岏。
迷離晻靄極變態，一一拔出青雲端。亭亭萬車蓋，
濯濯千琅玕。山腰排比

蒼翠滴荆扉，隱見臨清湍。炊烟一線氣，蓬勃得非西崦人。
家煑笋，方朝餐。須臾雲淨日斜照，但見碧綠青紅攢翠微。
遠望紛秀色，陰崖想像春猶寒。我聞洞天第六神仙宅，洞口
平巖千里寬。此時仙人鄧雲山，乘雲出入驂飛鸞。峯頭玉
女粲玉齒，搗衣碣畔憑雕闌。開母少姨並相過，時聞雜珮
聲珊珊。石上菖蒲生九節，溪邊巨勝長闌干。山頭有仙山，更
好方壇古鼎燒。金丹偶然遊戲出，幻景縱橫轉側留。與人
間爲殊觀，霞梯高無極。磴道何盤盤，那不手携筇竹杖。風
清兩腋生羽翰，隨意雙峯選石坐。碧桃花開當未殘，便程
有期未敢去。仙宮咫尺躋，登難林中風簌簌。塔下露溥溥，
鞏縣志

第六冊

卷之十九 藝文下

二十四

空庭坐對青山暮，少焉雲峯缺處水蟾湧。一丸邱壑卧遊
茲，亦足目見雖黧口。莫殫寄謝山中猿鶴伴，詰朝吾欲理
歸鞍。

渡洛水作

蔣漣

纔出青山郭，還臨古渡頭。波聲連兩岸，旛影洛中流。節近
安期楔，人登郭泰舟。飄然心不繫，萬像正清幽。

鞏縣東看隔水桃花

張漢

府尹

桃花能綠柳能紅，互影含光晚日融。四水交流山盡處，三
春一半客愁中。尋常島嶼仙源出，咫尺烟雲驛路通。竟敢
題詩詩聖里，爲憐風物鞏城東。

黑石關題壁

張漢府尹

有水粼粼有石齒齒我數乘槎往來於此但記姓名功無足紀萬山之上萬山之下杜當陽侯意何爲者問彼身後名生前酒盃孰真假

詩聖祠

張漢

天縱詩將聖人驚筆有神禹臯元始志寒餒竟終身廟祀忘鄉里石文記水濱辦香吾所重此地獨尊親

以上縣志

石窟寺

呂謙恒

匹馬倦猶往啼鶯聲自和客來樵徑少松覆澗雲多奧蹟占興廢孤遊寄嘯歌偶逢田父至話向北山阿

青要集

鞏縣志

第六冊

卷之十九 藝文下

二十五

杜工部故里

桑調元

青山入鞏洛秀色超塵寰鍾英產詩老悲歌成史編契稷輒自許高李空隨肩東郊傷瘦馬西川拜杜鵑我行敬草樹式此南瑤灣嗚呼斯人逝吟者無其賢

三田故里

桑調元

三田如荆樹本自懽同株如何中離異頓使連枝枯離者輒復合枯者仍榮敷遺風成雍睦足爲鄉里模曠林不能帝遣各一區歷山憂未解于田泣嗚嗚周公與管蔡雨涕淚俱可堪粟布謠漢文心煩紓有生遇乖違飲痛無賢愚李樹代桃僵交讓同悲相輝良不易華萼愁蕭

精誠感草木涕下沾衣襦

望宋陵作

桑調元

洛水春蕩潏邙山高崔嵬山水映終古人事多興衰陳
黃袍擁鼎業東京開羣姦不破碎靖康釀奇災宋社既
遷艮嶽生蒿萊盤回七陵氣蕭瑟蒼山隈臯亭飛白燕
覆無遺骸江東燐火冷鬼哭冬青哀升高睇珠邱潏決
風埃其誰腸木石不識昆明灰

輓轅

桑調元

飛雲過輓轅山蹊翠曲折溪澗滙湍淙春流鳴決決迤
縮嵩橋橫波卧雌蜺麥疇綠如染葱蒨藹可悅坦修馳

鞏縣志

第六册

卷之十九 藝文下

二十六

通峭隘鏟巒嶠沙平崑嶺口石滅古車轍來往遵夷庚無
復嚴關設惟瞻少室峯青山粲行列

以上嵩山集

杜工部祠

呂守曾

邙嶺東來勢不齊殘碑屹立河之西金蘚剝落字難捫空
來繫馬綠楊枝鷄皮野老相邀坐淡水濃陰憩少時指點
路東新廟堂建自周南張大史額曰詩聖杜工部當年篤
生在此里天地間氣鍾一身穆然詩思含真宰一節不敢
忘君國可但區區驚神鬼新安石壕恣苦吟西去北征徒
憂死後世詩人皆師承契合非詩以性始太史名集傳河
爲聖者徒應如此有唐到今已千年請爲太史屈一指

松坪
詩艸

聚山園

姚爾申

東園肄業地風雨蔽數椽遙望五乳秀近窺白雲巔風光
圍斗室衆壑與堦連春和聽鳥啼秋深看鹿眠晴明文物
景陰雲太古天經歲覽勝槩幽竒總無邊端居茅檐裏頓
忘塵緣游心仁義府畊我方寸田冬裘與夏葛奚復羨

餘 爲憶陶靖節樂以忘其年

本集

登紫金峯

劉高青 邑令

乞休猶復此羈栖指點名山喜共躋曲徑籠葱芳草合層
臺縹緲白雲低遲遲霽景穿書幌漠漠青陰護藥畦乘興
盤桓渾不厭後遊還擬細留題

鞏縣志

第六冊

卷之十九 藝文下

二十七

青龍山洞

孫汝工

携筇信步入山隈古洞幽深翠栢栽路向荒陰留白雪門
臨石磴長青苔塵封佛像無今昔遊歷人踪有去來閒覓
殘碑摹古篆夕陽欹下幾徘徊

將夕洛水上

曹鵬翊

傍晚蒼茫意何知造物閑波搖西落日影動北邙山暮鳥
鳴前渡歸樵走下灣吾生波浪裏淡淡解愁顏

石窟寺

焦侗

森森長川天際來急流迴處寺門開洞深蘿薜疑無

有

石像半侵 逢

偶借蒲團坐 到無心萬 灰

夏日竹林寺

栽

趙作人

竹院行來暑氣蘇問僧肯乞此君無數竿移種茅簷下

雨瀟瀟伴老夫

以上舊志

小憩亭

陳龍章

邑令

十載芝田轉眼過茅亭小築近岩阿携來綠綺隨身久醉
後青山入夢多微雨頻翻栽菊譜薰風時送採蓮歌莫嫌
斗室惟容膝且免星軺動薜蘿

補遺

鞏縣志

第六册

卷之十九 藝文下

二十八

嚴子陵祠

呂履恒

鞏邑東來淨路塵子陵祠畔正芳春客星不與炎灰滅一
代流風賴故人

田氏紫荆里

翁志琦

田氏遺墟没草萊春風猶見紫荆開願携當日連枝種
與人間處處栽